



Xalq so'zi

O'zbekiston —
kelajagi
buguk
davlat

2023-YIL — INSONGA E'TIBOR VA SIFATLI TA'LIM YILI

1991-yil 1-yanvardan chiqa boshlagan • WWW.XS.UZ • E-mail: Info@xs.uz • 2023-yil 8-oktabr, № 212 (8555)

Yakshanba Saytimizga o'tish uchun QR-kodni telefoningiz orqali skaner qiling.



ENERGETIKA SOHASIDAGI HAMKORLIKNI SIFAT JIHATIDAN YANGI DARAJAGA OLIB CHIQAIDIGAN TARIXIY VOQEA

O'zbekiston Respublikasi Prezidenti Shavkat Mirziyoyev Rossiya Federatsiyasi Prezidenti Vladimir Putinning taklifiga binoan 5 — 7-oktabr kunlari rasmiy tashrif bilan ushbu mamlakatda bo'ldi.



Prezident Shavkat Mirziyoyev 7-oktabr kuni Moskva shahridagi Islom Karimov xiyoboniga tashrif buyurdi.

Davlatimiz rahbari mamlakatimizning Birinchi Prezidenti haykali poyiga gul qo'yib, uning yorqin

xotirasiga hurmat bajo keltirdi.

Shundan so'ng O'zbekiston Respublikasi

Prezidenti Shavkat Mirziyoyev Qozog'iston Respublikasi Prezidenti Qosim-Jomart Toqayev

va Rossiya Federatsiyasi Prezidenti Vladimir Putin bilan birgalikda Rossiyadan Qozog'iston hududi orqali O'zbekistonga tabiiy gaz yetkazib berilishiga start berdi.

Teleko'priq tarzida o'tgan marosimda davlatimiz rahbari energetika sohasidagi uch tomonlama hamkorlikni sifat jihatidan yangi darajaga olib chiqadigan ushbu voqeaning tarixiy ahamiyatini qayd etdi.

O'zbekiston Prezidenti Qozog'iston va Rossiya yetakchilariga ushbu loyihaning ro'yobga chiqarilishini shaxsan qo'llab-quvvatlaganlari uchun minnatdorlik bildirdi. Gaz yetkazib berishni juda qisqa muddatda tashkil etish, magistral gaz quvuri qismlarini rekonstruksiyalash, kompressor stansiyalarini modernizatsiya qilish va yangi "Beynov" gaz-o'lchov stansiyasini qurish ishlarida ishtirok etgan mutaxassislariga

alohida rahmat aytdi.

Rossiya gazini "revers" tarzida import qilish boshlanayotgani O'zbekiston uchun strategik ahamiyatga ega ekani ta'kidlandi. Ushbu loyiha mamlakatimiz energetik xavfsizligini ta'minlash, "moviy yoqilg'i"ni kafolatli yetkazib berish manbalarini diversifikatsiya qilish yo'lida oldinga tashlangan katta qadam, iste'moldagi mavsumiy notamunosiblikni qoplash, aholini gaz va elektr energiyasi bilan ishonchli va uzluksiz ta'minlash uchun energiya resurslarining qo'shimcha hajmlari demak.

Ushbu yirik loyihaning ro'yobga chiqarilishi va uning natijalari uchun mamlakat o'rtasidagi munosabatlarni yanada mustahkamlashga xizmat qilishiga ishonch bildirildi.

Shu bilan O'zbekiston Respublikasi Prezidentining Rossiya Federatsiyasiga rasmiy tashrifi yakunlandi.

O'zA.

O'zbekiston Respublikasi Prezidenti Matbuot xizmati surati.

Dunyo nigohi

O'ZBEKISTON PREZIDENTINING ROSSIYAGA TASHRIFI YAKUNLARI MAMLAKATIMIZ JAHON HAMJAMIYATI UCHUN JOZIBADOR SHERIKKA AYLANIB BORAYOTGANINI YANA BIR BOR NAMOYON ETDI

Prezident Shavkat Mirziyoyevning 5 — 7-oktabr kunlari Rossiyaga amalga oshirgan rasmiy tashrifi xorijiy mamlakatlarning ijtimoiy-siyosiy va ekspert-tahlil doiralari vakillarida katta qiziqish uyg'otdi.

Solix YILMAZ, "RUSEN" Rossiya va MDH mamlakatlarini o'rganish instituti direktori (Turkiya):



O'zbekiston va Rossiyaning strategik sheriklik hamda ittifoqchilik munosabatlari bog'lab turadi. O'zbekiston Prezidenti Shavkat Mirziyoyevning Rossiyaga bu galgi tashrifi voqea-hodisalariga boy va mazmunli bo'ldi. Tashrif doirasida Rossiya Prezidenti Vladimir Putin, Hukumat raisi Mixail Mishustin va Tatariston Raisi Rustam Minnixonov bilan uchrashuvlar o'tkazdi.

Ular davomida ikki tomonlama munosabatlarni yanada mustahkamlash borasida keng ko'lamli dolzarb masalalar muhokama qilindi.

Uchinchi mintaqalararo hamkorlik forumining Qozon shahrida o'tkazilganini muhim deb bilaman. Forum yakunlari bo'yicha umumiy qiymati 3,5 milliard dollarlik shartnoma va bitimlar imzolangan Rossiya biznesining O'zbekistonga katta qiziqishi borligidan dalolat beradi. Bu Prezident Shavkat Mirziyoyev rahnamoligida mamlakatimiz ijtimoiy-iqtisodiy liberalizatsiya va qulay biznes muhitini yaratish borasida amalga oshirilayotgan keng ko'lamli islohotlarning yorqin natijasidir.

Tomonlar O'zbekistonda sog'liqni saqlash, ta'lim sohalarini raqamlashtirish, shuningdek, Rossiyaning ilg'or tajribasidan foydalangan holda respublikada elektron tijoratni joriy etish sohasidagi loyihalarni birgalikda amalga oshirish masalalarini muhokama qilgani, shubhasiz, ushbu tashrifning asosiy amaliy yutuqlaridan biri bo'ldi.

Ishonchim komilki, davlat rahbarlarining sanoat kooperatsiyasi bo'yicha yil

bo'yi o'zaro tashriflar Reja-jadvalini o'z ichiga olgan "Yo'l xaritasi"ni tayyorlash yuzasidan kelishuvga erishgani O'zbekiston va Rossiya ishbiarmon doiralari o'rtasidagi hududlararo hamkorlik va bevosita aloqalarni amaliy rivojlantirish katta rag'bat bo'lib xizmat qiladi.

Rivojlanayotgan madaniy-gumanitar hamkorlikka alohida e'tibor qaratilmoqda. Moskvada "Lazgi" milliy baleti premyerasi va O'zbek kinosi kunlarining tashkil etilishi Rossiya jamiyati uchun O'zbekistonning boy madaniyati bilan tanishish va unga sho'ng'ish uchun yana bir imkoniyatdir.

O'zbekiston va Rossiyaning ko'p yillik tarixiy, madaniy va iqtisodiy aloqalar bog'lab turadi. Bugungi kunda ular jadal rivojlanib, yildan-yilga yangi qiyofa kasb etib bormoqda. Prezident Shavkat Mirziyoyev rahnamoligida O'zbekiston — Rossiya strategik va ittifoqchilik munosabatlari o'zaro manfaatli asosda mustahkamlanib, chuqurlashtirib borishiga shubha yo'q.

Su CHAN, Xitoy Ijtimoiy fanlar akademiyasining Rossiya, Sharqiy Yevropa va Markaziy Osiyo instituti yetakchi ilmiy xodimi:



Prezident Shavkat Mirziyoyevning Rossiyaga rasmiy tashrifi voqealarga juda boy kechdi. O'zbekiston rahbari Qozon va Moskvada qator tadbirlar o'tkazdi. Savdo, sarmoyaviy, transport va madaniy-gumanitar sohalarida o'zaro manfaatli hamkorlikni rivojlantirishga qaratilgan mustahkam ikki tomonlama hujjatlar to'plami imzolandi.

Shavkat MIRZIYOYEV, O'zbekiston Respublikasi Prezidenti

Osiyo o'yinlari

O'ZBEK SPORTCHILARINING NAVBATDAGI MUVAFFAQIYATI

Xitoyning Xanchjou shahrida davom etayotgan XIX Osiyo o'yinlarining navbatdagi kuni ham o'zbek sportchilarining yorqin g'alabalariga boy bo'ldi.

Nufuzli musobaqaning karate WKF yo'nalishida yurtimiz sharafigi himoya qilgan Sevinch Rahimova (- 55 kg) finalda Xitoy Taypeyi vakili Sui-Ping Kuni mag'lubiyatga uchratib, Osiyo o'yinlari g'olubiga aylandi.

Badiiy gimnastika bo'yicha ham yurtimiz Taxmina Ikromova ham oltin medal sohibasi bo'ldi. Yakkalikning ko'pkurash dasturida sportchimiz 131.300 ball jamg'arib, eng yaxshi natijani qayd etdi.

Eslatib o'tamiz, badiiy gimnastikaning jamoaviy bellashuvlarida ham O'zbekiston terma jamoasi oltin medalga ega chiqqandi. Vakillarimiz ushbu natijasi bilan kelgusi yili Parijda o'tkaziladigan yozgi Olimpiada o'yinlarining yo'llanmasini ham qo'lga kiritgandi.

Futbol bo'yicha O'zbekiston jamoasi oradan 29 yil o'tib yana Osiyo o'yinlari shohsupasidan joy oldi. Vakillarimiz oxirgi bor 1994-yil Yaponiyada o'tkazilgan musobaqada g'oliblikka erishgandi. Bu gal ham yurtimiz uchun kechgan bahsda Gonkongni 4:0 hisobida mag'lub etishdi. Bahsda gollarni Alisher Odilov, Husayn Norchayev (dubl) va Alibek Davronov raqib darvozasiga kiritdi.

Tajribali erkin kurashchimiz Bekzod Abdurahmonov (-74 kg) Osiyo o'yinlaridagi uchinchi medalni qo'lga kiritdi. Polvonimiz bronza medal uchun bo'lgan bellashuvda turkmanistonlik Perman Xommadovdan ustun keldi. Bekzod Abdurahmonov 2014 va 2018-yilgi Osiyo o'yinlarida oltin medallarga ega chiqqandi.

Ushbu sport turida o'z imkoniyatini sinab ko'rgan yana bir vakilimiz Javrail Shapiyev (-86 kg) ham sovrindorlar safidan joy oldi. Hamyurtimiz uchinchi o'rin uchun kechgan murosasiz bahsda bahraynlik



Magomed Sharipovni yengdi.

E'tiborli jihati, qo'lga kiritilgan ushbu natijalar O'zbekiston sporti tarixida yangi sahifa ochdi. Gap shundaki, 2018-yilda Indoneziyada tashkil etilgan musobaqada hamyurtlarimiz 20 ta oltin medal jamg'argan va bu sportchilarimizning Osiyo o'yinlaridagi eng yaxshi natijasi edi. Bu safar delegatsiyamiz a'zolari qo'lga kiritgan oltin medallar soni 22 taga yetdi. Bellashuvlar esa davom etmoqda.

Ayni paytgacha O'zbekiston terma jamoasi 22 ta oltin, 18 ta kumush va 31 bronza, jami 71 ta medal jamg'arib, umumjamoa hisobida 5-o'rinda bormoqda.

"Xalq so'zi".

Hasan PAYDOYEV olgan suratlar.

ENG ULUG' VA MUQADDAS QADRIYAT

Mamlakatimiz hayotida muhim voqealardan bo'lgan — yangi tahrirda qabul qilingan Konstitutsiyaning 1-moddasida "O'zbekiston — boshqaruvning respublika shakliga ega bo'lgan suveren, demokratik, huquqiy, ijtimoiy va dunyoviy davlat", degan norma belgilandi. Bu orqali yangi O'zbekistonning uzoq muddatli taraqqiyot strategiyalari, konsepsiyalari, umuman, yurtimiz va xalqimizning ertangi farovon hayoti uchun mustahkam huquqiy asos hamda ishonchli kafolat yaratildi.

Fikr

Prezidentimiz Shavkat Mirziyoyev boshchiligidagi olib borilayotgan hozirgi islohotlarning asosiy tamoyili bo'lgan "Inson — jamiyat — davlat" degan yondashuv amaliy hayotimizda bosh qadriyatga aylanib, yangi tahrirdagi Konstitutsiyaning mazmuniga ham chuqur singdirildi. "Inson qadri uchun" g'oyasini, insonning qadr-qimmatini, sha'ni va g'ururi bundan buyon barcha sohada birinchi o'rinda turishi kerakligi alohida e'tirof etilmoqda.

Tarixiy tajribaga nazar soladigan bo'lsak, inson huquqlari, avvalo, uning tabiiy yashash huquqida namoyon ekanligiga guvoh bo'lishimiz mumkin. Insonning yashash huquqi — bu eng ulug' va muqaddas qadriyatlardan biri hisoblanadi.

Yaqin yillarga qadar O'zbekistonda inson huquqlari holati xalqaro hamjamiyat va tashkilotlar tomonidan qattiq tanqidga olinar, bu nafaqat yurtimiz nufuziga, balki

mamlakatimiz iqtisodiy rivojiga ham salbiy ta'sir ko'rsatar edi.

Prezidentimiz Shavkat Mirziyoyevning tashabbusi bilan qabul qilingan yangi tahrirdagi Konstitutsiyaga e'tibor berilsa, uning 25-moddasida avvalgi Konstitutsiyada mavjud bo'lmagan norma, ya'ni "O'zbekiston Respublikasida o'lim jazosi taqiqlanadi" degan talab qat'iy belgilandi.

Yangi tahrirdagi Konstitutsiya loyihasing muhokama vaqtida ayrim fuqarolar tomonidan o'lim jazosini tiklash, uni jinoyat qonunchiligiga qayta kiritish haqida takliflar ham ilgari surilganligi davlat rahbari tomonidan 2022-yilning iyun oyida Konstitutsiyaviy komissiya bilan bo'lib o'tgan uchrashuvda qayd etildi.

Mamlakat Prezidenti bugungi kunda inson huquqlarini himoya qilish har qachongidan ham dolzarb ekanligini, islohotlarimiz hech qachon to'xtamaydigan va ortga qaytmaydigan ahamiyat kasb etishini, yangi O'zbekistonda o'lim jazosi qayta tiklanmasligini qat'iy tarzda butun hamjamiyatga baralla ta'kidladi.

Mustaqillik kunlarida millatimiz oydinlari xotirasini e'zozlash, xizmatlarini eslash yaxshi an'ana. Chunki ular xalqimiz ozodligi uchun, bugungidek amin-erkin kunlar uchun intilgan edi. Bu sana Vatanga fidoyilik unutilmasligini, hamisha qadrlanishini anglatadi.

O'zbekning ulug'larlari. Jadidlar

VATANGA FIDOYILIK UNUTILMAYDI

Bugungi tinch va osoyishta kunlarga osonlik bilan erishilmaganiga tarix guvoh. Xususan, Vatan va xalq ozodligi uchun kurashda o'z zamonining ilg'or namoyandalari bo'lgan Buxoro jadidlarining alohida o'rni bor. Ahmad Donish, Mirzo Abdulazim Somiy Bo'stoniy, Sadr Ziyov, Abdulvohid Munzim, Sadriddin Ayniy, Abdurauf Fitrat, Usmonxo'ja Po'latxo'ja o'g'li, Otaulla Xo'jayev singari millat oydinlarining sa'y-harakatlari tufayli jadidchilik qarashlari rivojlanib, yurtimiz ijtimoiy-siyosiy hayotida muhim ahamiyat kasb etgani ko'pchilikka ma'lum.

XX asr boshlarida Turkiston madaniy hayotida yuz bergan eng muhim voqealardan biri — maktab

o'quv ishlaridagi o'zgarishlardir. Jadidlar o'yoq murakkab va qiyin sharoitda bilim va ma'rifat tarqatish, ta'lim-tarbiya sohasini tubdan isloh etish orqali milliy taraqqiyotga erishish g'oyasi bilan maydonga chiqdi.

Masalan, Ismoilbek G'aspirali 1908-yil yozida ikkinchi marta Buxoroga kelib, maktab va madrasa islohotlari bo'yicha qator ishlarni amalga oshirdi. Buxoro amirligida "Tarjimon" gazetasi keng tarqatiladi va jadidchilik harakati kuchayadi. 1907-yilda Mir Badriddin Qozikalon ruxsati bilan tatar tilida Nizomiddin Sobitov o'z uyida ochgan yangi usul maktabining dars jarayoni bilan

tanishgan Ismoilbek G'aspirali bu maktabda o'zining 4 qism, 27 ta "Alifbe" darsidan iborat "Xo'jai sibiyan" ("Bolalar muallimi") nomli darsligidan foydalanilganiga guvoh bo'ladi. Bu maktabda keyinchalik mashhur professor Abdurahmon Sa'diy o'qituvchilik qiladi.

Maktab va madrasalarni isloh etishga kirishgan Buxoro jadidlari 1908-yilning oktabrida Buxoro shahri ichida "Darvozai Sallohxona" guzaridagi Mirzo Abdulvohid Munzim uyida forsiy tilda Buxorodagi ilk usuli jadid maktabini ochishadi. Sadriddin Ayniy bu maktabda sanoqli bo'lgan o'quvchilar soni ikki oy ichida 12 nafarga yetganini qayd etgan.

IKKI DAVR ORASI

yoxud kambag'allikdan farovonlik sari

So'nggi yillarda mamlakatimizda amalga oshirilayotgan ishlarni tahlil tarozisiga qo'yar ekanimiz, haqiqatan ham, olamshumul ishlar amalga oshirilayotganiga amin bo'lamiz.

Eslab ko'ring, ortda qolgan uzoq yillik tarix davomida biror marta kambag'allik mavzusi muhokama qilinganmi? Albatta, yo'q!

Davlatimiz rahbari ilk bor kambag'allik atamasini tilga oldi. Toki mamlakatda ehtiyojmandlar bor ekan, davlat boy bo'lolmasligini e'tirof etdi.



aytishdi. Sharoit bilan tanishgach, o'ladagi yumushlarimga ta'sir qilmaydigan biror ish topib, oylik maosh bilan ta'minlashga va'da berishdi. Tez kunlarda "Andijon suv ta'minoti" MCHJning Qorasuv shahar filialidan xabar keldi. O'sha kundan boshlab farosh vazifasida ishlay boshladim. Ishim og'ir emas, tong saharda zimmamdagi vazifamni bajarish uchun bir soat vaqt sarflayman. Turmush o'rtog'imga va farzandlarimga qarshiga ham imkon topayman. Va shunisiga ham shukur qilgandim...

Ha, bir kunda bir burda non topish uchun tonggacha chevarchilik bilan shug'ullangan, evaziga arzimmas daromad topgan bu ayol uchun

Qolaversa, o'zlari buyurtma topib, hatto matolarigacha olib kelishibdi. O'zimga qolsa bu amallarni hech qachon uddalay olmas edim.

O'shandan boshlab qahramonimiz turli mehnat jamoalari uchun maxsus ishchi kiyimlarini tikadi. Buyurtmalari soni ortgani sari qo'li-qo'lga tegmaydi. Hatto yoniga chevar ayollarni ham jalb qiladi. Shu tariqa bir oyda 2,5-3 million so'm daromad topa boshladi.

— Kechagina kambag'al ayol edim, bugun bo'lsa o'zgalarni ham ish bilan ta'minlayapman, — deydi hayotidan mamnun ayol. — O'zgina e'tibor tufayli shu darajaga yetdim.

Bir imkoniyat ikkinchi imkoniyat sari yo'l ochadi. Ayni paytga kelib, qahramonimiz tumandagi yirik sanoat korxonasi hisoblanmish "Khanter Group" MCHJda mehnat qilmoqda. Ham ish, ham qo'shimcha daromad va oilaviy sharoitni bir maromda olib borish uchun unga turki bo'lgan e'tibor va g'amxo'rlik kambag'allik atalmish o'tmishdan voz kechishga sabab bo'ldi.

Oldinda esa yana yuzlab bunday xotin-qizlar izdan chiqqan hayotlarini maqsadli manzil sari odimlash bilan qayta qurmoqda.

Saminjon HUSANOV
("Xalq so'zi").

E'tibor

Bugungi kunga kelib, yurtimizda kambag'allikni bartaraf etish bo'yicha aniq chora-tadbirlar ishlab chiqilgan. Qisqa muddat ichida bu boradagi rejalar amaliyotga aylaniy, o'zining ijobiy natijasini bera boshladi.

Andijon viloyatida o'tgan yilning o'zida ishsizlik darajasi 9,9 foizdan 9,1 foizga, kambag'allik darajasi 21 foizdan 17,5 foizga tushishiga erishildi. Shuningdek, kambag'al oilalarning daromadi ko'tarildi, qirgandan ortiq mahallalar kambag'allikdan, ellikka yaqini esa ishsizlikdan holi hududlarga aylantirildi. Joriy yilda bu ko'rsatkichlar yanada oshdi.

Qorasuv shahridagi Amir Temur nomli mahallada istiqomat qiluvchi Gulbahor Ibragimova ham bir

paytlar kam ta'minlangan oila hisobida turgan. Turmush o'rtog'i og'ir xastalikka chalingach, ikki nafar voyaga yetmagan farzandini tarbiyalash ayolning zimmasiga tushdi. Biroq bu aytishga oson edi, xolos. Ayolning ro'zgor uchun pul ishlab topish imkoniyati tunning hisobiga qolgandi. Tonggacha chevarchilik qilib, oila uchun uch-to'rt so'm daromad topa boshladi. To'g'ri, ba'zan akasi, ayrim hollarda dadasi holidan xabar oladi. Biroq, "Qo'ldan berganga qush to'yimas", degan gap bor.

— Ana shunday paytlarda viloyat hokimligi vakillari xonadonimizga kirib keldi, — eslaydi ayol biz bilan suhbatda. — Turmush o'rtog'imdan hol-ahval so'rashdi, uning doridarmoniga yordam qilishlarini

E'tirof

SamDU rektori Xitoyning eng nufuzli universiteti "Faxriy professori" unvoniga sazovor bo'ldi



Xitoyda o'tkazilayotgan 2015-yil yanvar oyida "Ipak yo'li universitetlari assotsiatsiyasi" ittifoqini tuzish tashabbusini ilgari surgan. 2015-yil 22-may kuni Sian shahrida Ipak yo'li universitetlari assotsiatsiya tashkil etildi va Sian deklaratsiyasi qabul qilindi. Assotsiatsiyaga hozirga qadar 37 mamlakatdan 150 dan ortiq universitetlar a'zo hisoblanadi. Samarqand davlat universiteti mazkur tuzilmaga 2018-yilda a'zo bo'lgan.

Xitoyning Sian Jiatong universiteti

"Xalq so'zi".

Infratuzilma

"MENING YO'LIM" LOYIHASI — AMALDA

Farg'ona viloyatining sanoatchilar shahri bo'lgan Quvasoyda joriy yilning o'tgan davrida 15 kilometrdan ziyod ichki yo'llarda asfalt yotqizish ishlari bajarildi.

Xususan, shaharning "Namuna" mahalla fuqarolar yig'ini hududidagi 2,8 km. ichki yo'llar "Mening yo'lim" loyihasi doirasida asfaltlashtirildi. Shu bois

qo'l yetmas orzuga aylanib ulgurgan edi. Orasta va ravon yo'llar fuqaroning mushkulini oson, uzog'ini yaqin qilmoqda.

Aytish joizki, joriy yilda



endilikda mahalladagi uzoq yillar ta'mirlanib bo'lib yotgan Aziztepa, Ibrat hamda Barkamol ko'chalarining ravon va tekisligi hudud aholisiga ko'tarinki kayfiyat bag'ishlamoqda.

— Qariyb chorak asrdan buyon yozda chang-tuproq, qishda loy-balchiq bilan to'lgan ko'chalarimizda amalga oshirilgan bunyodkorlik ishlariga barchaning havasi kelyapti, — deydi mahalla faoli Ikromjon Karimov. — Chunki bu uzoq yillar davomida

Quvasoy shahrida "Mening yo'lim" loyihasi doirasida ikkita fuqarolar yig'inida 3,4 km., "Tashabbusli byudjet" loyihasi doirasida bitta mahallada 2,7 km., shuningdek, birinchi navbatda amalga oshiriladigan chora-tadbirlar rejasida asosida ikkita mahallada 8 km. ichki yo'llar ta'mirlanib, asfaltlashtirish ishlari yakuniga yetkazilayotir.

Botir MADIYOROV
("Xalq so'zi").

Intilish

20 MING TONNA DONNI QAYTA ISHLASH IMKONIYATI

Shu yilning iyul oyida Qamashi tumanidagi "Bo'ritosh aya" fermer xo'jaligi tomonidan yiliga 10 ming tonnadan oshiq un ishlab chiqarish imkonini beradigan quvvat ishga tushirilgan edi.

Bu boradagi yana bir yirik loyiha esa tuman markazidagi kichik sanoat zonasida ro'yog'ba chiqarildi. "Qamashi oltin boshqog'roq" mas'uliyati cheklangan jamiyati tomonidan barpo etilgan ushbu korxonada Turkiya texnologiyasi asosida yiliga 20 ming tonna donni qayta ishlash, yuqori sifatli un tayyorlash imkonini mavjud.

har yili jamiyat tasarrufidagi omborxonalariga shuncha miqdordagi xomashyo yig'iladi, degani. Ushbu xomashyoni o'zimizda chuqur qayta ishlash orqali faoliyatdan kelayotgan daromadni yana bir necha marotaba oshirish mumkin. Shuni hisob-kitob qilgan holda 11 milliard so'm miqdordagi sarmoya evaziga ushbu korxonani ishga tushirdik.

Ayni vaqtda korxonada ishlab chiqarilgan mahsulot ichki bozorga yetkazib berilmoqda. Bu faoliyat ortidan esa hududdagi 35 nafar kishining doimiy ish bilan bandligi ta'minlandi.

Jahongir BOYMURODOV
("Xalq so'zi").

QISH MAVSUMIGA TAYYORGARLIK HOLATI O'RGANILDI

Davlatimiz rahbari topshirig'iga asosan tuzilgan Respublika ishchi guruhi faoliyatining yana bir muhim yo'nalishi joylarda mahalla infratuzilmasi, ijtimoiy soha obyektlari, ta'lim hamda tibbiyot muassasalarining qish mavsumiga tayyorgarlik holatini o'rganish va aniqlangan kamchiliklarni joyida bartaraf etishdir.

Taraddud

Shundan kelib chiqqan holda, Prezident maslahatchisi o'rinbosari Ulug'bek Muhammadiev boshchiligidagi ishchi guruhi Jizzax viloyatida bo'lib, haqiqiy holatni o'rganmoqda.

Hududda aholi uchun dolzarb bo'lib turgan muammolarni hal etish bo'yicha qator ijobiy ishlar amalga oshirildi. Jumladan, qish mavsumiga tayyorgarlik ko'rish va uni betalafot o'tkazish yuzasidan viloyat hamda tuman (shahar) shtablari va tegishli ishchi guruhlari tashkil etilgan.

Har bir kommunal soha yo'nalishlari bo'yicha avariya-ta'mirlash guruhlari tuzilib, ularda mutaxassis xodimlar, maxsus avtomashina hamda mexanizmlar, yonilg'i-moylash mahsulotlari, asbob-anjomlar va tegishli moddiy-texnika bazasi bilan ta'minlandi.

Qish mavsumiga tayyorgarlik ko'rish hamda faoliyat yuritishi uchun viloyatda "Ishonch telefoni" yo'lga qo'yilib, murojaat va arizalarni qabul qilish uchun zarur sharoit yaratildi. Aholini uzluksiz elektr energiyasi bilan ta'minlashdagi mavjud muammolarni hamda ularni bartaraf etish bo'yicha chora-tadbirlar ishlab chiqildi.

Ma'lumotlarga ko'ra, viloyatda boshqaruvi tashkilotlarining o'z mablag'lari va byudjet mablag'lari hisobidan 164 ta ko'p qavatli uy-joyni mukammal hamda joriy ta'mirlash ishlari rejalashtirilgan bo'lib, bugungi kungacha 131 ta ko'p qavatli uydaham shunday yumushlar bajarildi.

Xususan, 133 ta uyning 64,6 ming kv.m. tom qismi, 113 ta kirish yo'lga, 298 dona elektr taqsimlovchi shit, 29 ta uyning yerto'la qismidagi muhandislik-



kommunikatsiya tarmoqlari, fasad qismlari mukammal va joriy ta'mirlash hamda energotejamkor lampalarni o'rnatish bo'yicha ishlar olib borilayotir.

Darvoqe, aholi hamda ijtimoiy soha obyektlariga ko'mir mahsulotini yetkazib berish bo'yicha 2023-2024-yillar kuz-qish mavsumi davomida jami 62 286,6 ming tonna ko'mir yoqilg'isi yetkazib berilishi rejalashtirilgan. Hozirgi kunda shundan viloyat bo'yicha 50 933,6 ming tonna ko'mir yetkazib berildi, ya'ni rejaiga nisbatan bajarilishi 82 foizni tashkil qiladi. Bu boradagi ishlar davom ettirilyapti.

Qish mavsumiga tayyorlanish tadbirlari doirasida viloyat bo'yicha

jami 27,9 km. ichki yo'llarga asfalt va sement-beton qoplamasi yotqizish ishlari bajarildi. Aholiga qo'shimcha 132 tonna suyuqlashtirilgan gaz yetkazib berildi. Shuningdek, gaz ta'minotini yaxshilash maqsadida 1383 ta aholi xonadonidagi 3 mingdan ziyod gaz anjomlariga texnik xizmat ko'rsatildi, 1,4 km. gaz quvurlari tartibga keltirildi. Elektr ta'minotini yaxshilash maqsadida salkam 80 dona temir-beton tayanchlar hamda bir dona transformator o'rnatish va 2,65 km. tarmoq tortish ishlari bajarildi. Qolaversa, 1 150 metrlik ichimlik suvi tarmog'i tortildi.

Respublika ishchi guruhi faoliyati davom etadi.

"Xalq so'zi".

ZAYNABXONNING "OLTIN DALASI"

Zaynabxon "ehtiyojmand", "kam ta'minlangan" degan so'zlarni ko'p-da xushlamaydi. Shundanmi, imkon topildi deguncha, ishlab ro'zg'ori kam-ko'stini to'ldirishga intiladi. Lekin doimiy ish masalasida qo'li kaltalik qilib turgandi. Buni qarangki, aholiga 20 sotixdan yer berilayotgani qulog'iga chalinib qoldi-yu, yuziga nur yog'ildi. "Bu biz uchun imkoniyat, imtiyoz, rag'bat-ku!" deb o'yladi.

Imtiyoz

Shunday qilib, Jondor tumanidagi "Dovud" mahalla fuqarolar yig'ini hududida istiqomat qiluvchi Zaynab O'rmonovaga takroriy ekin ekish uchun 20 sotix yer ajratildi. Bundan chandan quvonganini so'z bilan ifodalash qiyin.

— Ertatongda ketmonni yelkaga olib, dalaga yo'l olamiz, — deydi Zaynab opa. — Ochig'i, biz bu yerlarni endi "oltin dala" deymiz. Chunki u o'z uyimizdek qadrdon va rizq-nasiba manbai. Qovun, tarvuz, piyoz, sabzi yetishtirib, bir qismini bozorda sotaymiz. Shu tariqa ro'zg'or kam-ko'stini to'ldiryapmiz. Eng muhimi, ishli ekanim, peshona teri bilan halol rizq topayotganimdan quvonaman. Ishli odam — baxtli odam ekan.

Mahalla fuqarolar yig'ini raisi Asqar Ostonovning bildirishicha, bu yil hosildan bo'shagan 17 gektar ekin maydoni "temir daftar", "ayollar daftar", "yoshlar daftar"da turgan 60 nafar fuqaroga auktsion

yeriga mehr berib ishlashi uchun katta imkoniyatdir.

Olotdan chamas 130 kilometr olisda — G'ijduvon tumanidagi Labiro't mahallasida yashovchi Zuhra Rajabovadan ham xuddi shu mazmundagi so'zlarni eshitdik.

— O'tgan yili hosildan bo'shagan yerda takroriy ekin ekib, 20 million so'm daromad qilgandik, — deydi u. — Halol mehnat ortidan topilgan pulni ro'zg'orimiz kam-ko'stiga sarfladik. Qolaversa, o'z kuchimizga bo'lgan ishonch ortdi. Yer bilan tilla shagan aslo kam bo'lmas ekan. Bu yil bir gektar yerda qovun yetishtiryapmiz. Nasib etsa, o'tgan yildagiga nisbatan ikki-uch baravar ko'p daromad olamiz. Mehnat qilganning noni butun bo'ladi. Buni biz o'z faoliyatimiz misolida ko'rib turibmiz.

E'tiborlisi, Buxoroda takroriy ekin ekish bilan kifoyalanib qolmay, yetishtirilgan hosilni yarimtayyor mahsulot holida buyurtma qiyarish harakati qilyotgan dehqonlar ko'paymoqda. Peshku tumanining Bobohoji qishlog'ida yashovchi Boburjon Razzoqov ham ana shunday mirishkorlardan. U o'ziga ajratilgan 10 sotix yerda baqlajon, bulg'or qalampiri yetishtirib, mahsulotni bankalarga konservalagan holda bozorga chiqaryapti. Shu tariqa tarkibi foydali mikroelementlarga boy mahsulotni qishin-yozin saqlash imkonini yuzaga kelayotir. Xaridorlarga quylaylik yaratilyapti. Dehqon ham

mo'may daromad ko'rmoqda.

Ma'lumotlarga qaraganda, viloyatda hosildan bo'shagan maydonlarning 17 ming gektari ijtimoiy daftarlar ro'yxatida turgan 45,5 ming nafar ishsiz fuqaroga ular xohish-istagi hamda imkoniyatlaridan kelib chiqqan holda takroriy ekin ekish uchun ajratib berildi. Takroriy ekin ekib, mahsulot yetishtirgan har bir xonadon mavsumda yaxshigina daromad qilishi kutilyapti.

Viloyat bo'yicha fermer xo'jaligi a'zolari hamda "temir daftar", "ayollar daftar" va "yoshlar daftar"da ro'yxatda turgan 88075 xonadon tomonidan takroriy ekin ekish evaziga umumiy hisobda 563 ming tonna mahsulot ishlab chiqarilishi hamda 801 mlrd. so'm daromad olinishi mo'ljallanmoqda. Yana bir muhim jihat shundaki, takroriy ekin ekish jarayoni sharofati bilan viloyat bo'yicha 88 ming kishining bandligi ta'minlanadi.

— Birgina mana shu nuqtai nazardan qaraganda ham Prezidentimizning hosildan bo'shagan ekin maydonlaridan oqilona foydalanish, ularni



ehtiyojmand oilalarga takroriy ekin ekish uchun berish borasidagi tashabbusi juda katta ahamiyatga ega, — deya mulohaza yuritadi Buxoro tumanidagi "Madaniyat Muhammad Ismat" fermer xo'jaligi rahbari, O'zbekiston Qahramoni Muhammad Ahmedov. — Bu bozorlarimiz to'kin bo'lishiga, qish va bahor oylarida oziq-ovqat zaxiralari yaratishda qo'l keladi.

Qahramon otaxon haq. Endi yerga mehr qo'yib ishlaganning kosasi oqardi. Dehqon yelkasiga o'tob tekkani shu emasmi?

Istam IBROHIMOV
("Xalq so'zi").

